


小說名畫大觀

拾捌



奇情小說

十五種



阡中花



陳華
枕亞

多馬特愷脫者。英倫北部農家子也。性耿介。言必由衷。不事巧詐。一日以事至車站。遇警察署之外科醫士克里。於待車場。克里問曰。多馬君將何之。特愷脫曰。余非乘車者。有新犁自丁氏堡羅運來。余待之耳。遂亦詢醫士何往。曰。將之丁氏堡羅。問至堡羅。何為。克里愕然曰。寧不聞堡羅銀行被盜事耶。警隊已先余往勘。警長方以電召余。故余獨後耳。叙談未竟。遙聞汽笛一聲。銅鐘五響。車至。克里匆匆登車。俄而黑煙上騰。輪動機行。特愷脫揮巾示別而返。

回首見一女郎。徬徨已出車畔。手黑皮篋。曳玄色裙。年可二十許。雖裝束樸素。而自媚楚動人。鬢髮蓬鬆。低垂素頸。作懨懨不勝愁之態。特愷脫目注神往。木立若癡。欲就與語。自慚形穢。路阻不敢前。女郎回眸見特愷脫。凝視久之。作鶯聲問曰。察君情狀。殆自鄉間來。亦知鄧克君居何所耶。特愷脫見問。匆遽不能答。自念鄧克為人。人所共棄。箇女郎嬌好若此。詢之何為者。既而期期對曰。非居鄧克崗之鄧克耶。此人行惡遠近皆知。女郎欲覓者。即其人耶。女聞言。愀然曰。噫。彼妾舅氏也。語時。珠淚盈眶。玉容慘淡。若不勝其淒感者。良久。謂特愷脫曰。君既知鄧克居。能為妾指迷津耶。

特愷脫此時心醉豔姿。益引起其好事之念。欣然答曰。鄧克崗去此不遠。僕有車在。若不嫌褻。卿自乘之。僕御之。頃刻可至耳。女覩然首肯。特愷脫曰。抑僕尚有所事。能稍待乎。語次。頻探首場外。跂足而望。無何。丁氏堡羅之車已至。特愷脫入運物房。荷新犁出。顧女曰。久待矣。得毋燥乎。女謝之。特愷脫置犁車後。扶女上車。策馬向北疾馳去。

有女同車。顏如舜華。特愷脫舉鞭氣揚。色飛眉舞。意謂此行何啻登仙也。俯聽蹄聲得得。亦若為特愷脫鳴其得意者。惟此可憐之女郎。獨坐車中。俯首沈思。黯然欲泣。一寸芳心。幾被車輪輾碎。約行半里許。特愷脫偶一回顧。見女淚絲界面。悲不可仰。意竊憐之。怡聲問曰。靚卿之容。如有重戚。得勿舅氏病亟召卿乎。女收淚曰。非也。昨日阿母曾有書致舅氏。言至此。忽止。旋問曰。君與妾舅氏友耶。特愷脫曰。否。鄧克崗不善與人交。人第知其名。而鮮與相友善者。女不語。特愷脫亦回首策馬疾馳如故。無何至一村洛。特愷脫舉鞭左指曰。敝廬即在彼。女攘簾而望。見蓬蒿荆棘之中。有地可數畝。碧草如氈。清流縈繞。小築一椽。鱗鱗紅瓦。壁藤蔓延。贊曰。風景若此。室雅可知矣。復前行。路漸崎嶇。約百碼。道歧為二。向左行。益嶮。遙見峻嶺盤空。縈紆鳥道。車不可通。特愷脫控韁停馬。顧謂女曰。此去路窄。須勞卿步行矣。乃俱下。特愷脫指衆山之間。一峯獨聳者曰。卿舅即居是。人皆稱為鄧克崗。距此不百碼。卿第緩行。僕

為卿提篋也。言已荷篋於肩。復曰。十分鐘可至矣。

隨路數折。如歷羊腸峻坂。一步一蹶。忽一人自山巔近面來。面色黝黑。鬚髭如帚。冠灰色軟冠。衣絨製小褂。見二人。避立道左。其凶悍之目光。直注射於女身。女不顧。乃與特愷脫曰。此去悉荒榛叢莽。四無人煙。君等得無迷途乎。特愷脫正色曰。鄧克非在此間耶。其人愕然。既而曰。鄧克耶。余適與相值於途。言已掉頭竟去。女與特愷脫復攀藤引葛而上。未幾見一破屋。苔蘚滿堦。泥牆半圯。若為秋風吹後之紀念品。而久無人住者。特愷脫曰。此即鄧克之居也。

女以纖指彈扉。一老人拔關出。年六十許。鬚髮盡白。龍鍾不堪。揉目自語曰。才得交。曉誰又來擾老夫清夢耶。女問曰。鄧克即君耶。老人曰。然。老夫即鄧克。人稱余為苦惱鄧老。余自號為可憐蟲鄧老。女郎詢余欲何為耶。女未及答。特愷脫釋肩上之篋曰。鄧老盲耶。胡不識甥女也。

女亦曰。舅不識甥女。哀蝶愛斯蘭耶。阿母昨日非有書致舅氏耶。鄧克憬然曰。是誠有之。余尚未答也。女曰。舅得母書。想已知甥女之所以來矣。甥女非阿舅將無所倚。舅如見納者。甥女能為舅操作。非至坐耗舅家之資糧也。鄧克曰。操作耶。汝何能為者。女曰。烹飪縫紉皆能。鄧克復曰。老夫亦貧。一身且不能贍。焉有餘力以養甥女。特愷脫憤然曰。鄧老太不近人情矣。甥女既來。豈能擯之門外。何去何從。入室後可再

談也。言已携篋竟入。女隨入。鄧克不得已亦入。

踰一甬道。空空無所有。既入室。亦虛如懸磬。席地無氈。煖爐無灰燼。几榻不加油漆。一端置一食筭。孔紗垂腐矣。綜言之。其陋無匹也。女至此。嗒然神喪。鄧克乃曰。室陋若此。何以容吾甥女者。吾意甥女不如速返之為佳。特愷脫附女耳語曰。尚有他處可投耶。女搖首。特愷脫乃曳鄧克至甬道中。謂之曰。鄧克。君余有一言相告。君之甥女既無他處可投。君必不能不納。至於薪水之費。君倘不能供給者。僕亦能補助少許。鄧克曰。君能補助幾何。特愷脫曰。暫定每禮拜二金鎊。但不可令汝甥女知之。鄧克矍然曰。二金鎊實不敷用。老夫貧困已極。君諒非不知者。特愷脫怒曰。鄧老何鄙吝至此。亦知彼乃汝之甥女。而與余了無關係者耶。鄧克謝曰。君恕余。余固無所不。可。但恐彼人不許。奈何。特愷脫問曰。君室尚有何人耶。鄧克自知失言。急改口曰。無之。甥女來依余。余實無所為計。既蒙慷慨賙助。是亦甚善。敬如君命可乎。特愷脫乃入室。謂女曰。汝舅允汝居此矣。但此間殊隘陋。不堪貯美人。如有所需。可至余家索取。勿覘不語人也。女心感之。而轉不能作一語以相報。惟將其秋水雙眸。注視特愷脫不少瞬。若有無限深情。流露於眉梢眼角者。

特愷脫取冠欲行。女出纖手與之作別。復與鄧克默坐移時。乃起。謀下榻之所。登三層樓。見一室窗臨荒山。室中置一鐵床架。日久生銹。女以紙擦之。幸尚未腐。地板大

半垂朽。窗上玻璃碎者碎。不碎者亦為烟煤所薰。作黃黑色。失盡光明光質。室中塵垢堆積盈寸。空氣惡濁。不容少駐。四顧壁立。空無一物。不得已自行洒掃。二日後始稍稍可觀。而几榻仍未備。乃自往覓。至二層樓。逐室檢視。悉空無所有。後至一室。緊閉加鍵。女以手推之。鄧克忽至。急牽女腕曳之。厲聲曰。此室不容汝入者。女大駭。方欲答言。忽聞樓下呼曰。鄧克何在。繼復低聲呼曰。鄧老關葉子忙耶。鄧克聞言急下。女亦下。見有面目猙獰者二人。方與鄧克竊竊私語。見女駭曰。鄧老私藏女子耶。脫為酋長所知。將奈何。鄧克曰。此余甥女。固不能為余等患者。其一人怒曰。余終不欲有他人居此。言已突起。猛執女臂曰。女子聽之。無論汝為鄧老之甥女與否。此處空氣良不適女子之用。女驚痛俱集。呼曰。速釋速釋。儂臂斷矣。其人聞言。執之愈力。女痛極幾暈。忽又一人入。見狀奮拳力擊其人之首。其人仆。女亦隨仆。新入者厲聲曰。小子何窘美人。其人乃釋手。女起。定神移時。見新入者即山間所遇之人。雖傖鄙可厭。然此來為女解圍。女殊深德之。其人見女喘息少定。乃問女郎何人。至此何事。女未及答。窘女者曰。酋長彼自稱鄧老之甥女。余不欲其居此。致妨礙余輩秘事。女聞言始悟彼等所稱酋長即此人。酋長曰。蠢夫。余等何事不可對人言耶。乃笑謂女曰。女郎毋恐。脫彼再敢侵犯女郎者。余必死之。女赧然不答。酋長顧謂二人曰。若二人速返丁氏堡羅。余尚有要事。與鄧老磋商。汝等至彼。可以余言告知彼等。趣行趣行。



遲則事敗矣。

二人去。酋長遽起抱女曰。窘汝者去矣。可勿再事羞赧。女盡力得脫。垂首不作一語。酋長笑曰。小妮子何不識人。擡舉實告汝。順吾者福。逆吾者禍。且踵至。復以手拍女肩曰。女郎識得吾言否。女唾之。返身登樓。伏榻上啜泣。自念儂以孑然一身。離家作寄生之草。運命之蹇。乃日與惡魔為緣。方脫莽夫。復遇傖父。彼既意圖不良。孱弱之質。何能抵抗。思至此。不禁大憂。因憶特愷脫臨別贈言。眷儂良厚。或即此人。可脫儂於厄。然彼又何從知儂猝遭此難。輾轉愁思。不覺東方之既白。自是二日。幸酋長不來。而女則益繫念特愷。脫不置。女來鄧克家。每至無聊極時。輒翩然出戶。眺覽野景。以自娛樂。一日日將曛。女方徘徊山畔。特愷脫忽至。顏色倉皇曰。愛斯蘭卿乃在此。余為卿擔憂匪淺也。女猶淡然問曰。特愷脫君何事為妾擔憂。特愷脫曰。卿日處於陷阱之中。而不知耶。余此來為卿決去留也。旋問曰。鄧克在家耶。女曰。然。特愷脫曰。此事言之。於余殊不利。然為卿故。余不得不言。外間人皆知堡羅銀行之盜案。與鄧克頗有關係。近來警察日伺於此。脫一旦捕獲。卿能免為甕中之鱉乎。女駭然曰。自妾至此以來。舅氏足蹟未嘗出戶。焉能為盜。特愷脫曰。賊黨甚夥。何必俱出。焉知此處非貯賊所耶。女亦駭。側身而顫。特愷脫不能忍。脫冠鞠躬而前。赧然曰。吾摯愛之愛斯蘭。余有一言。卿能允余。則誠萬幸。女曰。君意良厚。第言之。苟可從者。妾敢不如。

命特愷脫囁嚅者再。毅然言曰。無他。欲卿允婚於余耳。此間實盜藪。不久將成焦土。卿舍此。又無他處。可以寄跡。為卿計。誠不如允余。余非乘人之危。緣愛卿甚。不忍卿為惡人所累。故出此下策。抑卿能允余者。余家雖無金屋。尚有茅茨。糲食粗衣。無虞缺乏。不使卿有半星兒難過也。吾摯愛之。愛斯蘭乎。其允余言。女驟聞斯語。潮紅漲頰。不知所對。良久。答曰。君所言。妾實不解。以妾與君。相識未久。胡遽以此相要。此時烏能許君。乞假妾以一月之商酌。則幸甚。特愷脫曰。余亦知少年求婚。無有若是之急遽無序者。顧以救卿情切。不覺言之過驟。一月之期。余豈不能少耐。但恐此間不出三日。將有奇禍。斷不能待卿之從容籌畫也。無已。請以明日為期。其示余以最後之解決。然後再謀脫身之計。卿意如何。女沈思半晌。不得已而言曰。誠如君言。此間不可以久留。妾許君矣。特愷脫狂喜。趨親女吻曰。卿解人。余知卿不忍絕人太甚也。特愷脫去。女惘然入室。默念舅氏非人。乃至為盜。彼酋長者。實盜魁耳。且行且思。已登二層樓。經前固鍵之室。其中似有人語。語悉不可辨。細聆之。鄧克與酋長之聲也。女方側耳傾聽。忽豁然戶闢。酋長出。見女。遽就擁抱之。為狀至獐惡可怖。女不語。則頓改笑容向之。吃吃言曰。女郎聽之。亦知竊聽私窺為不當為者耶。言次。力挽女頸。欲強親其吻。女憤極。盡力掙脫之。詈曰。傖父何敢無禮。急奔已室。不敢復出。時已昏夜。陰寒逼人。女移身近窗。俯視夜景。見窗下隱約有一人影。細辨之。髣髴似特愷脫。

是時室中寒氣驟加。加以飢腸轆轤。無所得食。乃復躡足下樓。聞秘室中仍有人語聲。自門隙窺之。見酋長據案坐。鄧克立案旁。又手蹙額欲言。又止。若有疑難事躊躇未決者。

俄而酋長忽高聲曰。此事汝實不能止。余不為。抑汝亦太愚。汝豈徒知愛惜甥女。而不知愛惜五十鎊耶。鄧老聽之。五十鎊非小數也。鄧克曰。誠然。五十鎊不為不多矣。女聞言。知鄧克實已。不覺大怒。呼曰。舅言良然。五十鎊不為不多矣。酋長急出曰。又來竊聽耶。女不答。自往食筭。取麵包牛酪少許。欲返室。酋長張臂阻之。曰。汝可在此處用餐。余尚有言語。女方窘極無計。忽搗門甚急。俄聞甬道中履聲雜沓。有五六莽夫入室。其先行者大呼曰。酋長事敗矣。丁氏堡羅之機關已為警察探出。昨夜湯姆白禮氏克逼雷奈伯諸人均被捕。秘密契約等物亦被搜去。惟吾等五六人得脫。酋長聞言大駭。曰。捕獲耶。契約亦搜去耶。然則若輩何以來此。詎不引警察知此處耶。眾譁然曰。余輩來此別無所為。欲將前所得者取出。勻派為遁逃計耳。酋長無奈。顧謂鄧克曰。速取贓物來。事已至此。捨散夥一法別無良策矣。鄧克猶不遽行。其一人笑起。伸手探其囊。出一鎗。疾奔上樓。須臾攜二囊下。傾案上黃白無算。亦有珠貝。其人以手劃分之。命眾各取其一。後留較多者二注。以與酋長及鄧克。勻派竟。其人乃曰。余輩今散。然余對於酋長尚有一最後之忠告。酋長聽之。此處實非安樂窩。不如

速去。酋長以目睨女曰。若輩皆蠢夫。警察雖狡。亦烏能探知此秘密之窟。吾今夜必宿於此。其人笑曰。今夜宿於此。明朝入獄矣。夥輩趣行。勿自誤也。言已。遂出。衆與之俱出。

女咋舌駭視。不知所為。見衆皆去。方携食物登樓入室。加扁焉。而室中洞黑。不辨方向。始悟倉猝復忘携燭。然飢甚。納食口中。胡亂吞嚥。食竟。倚身榻上。默思危境。不覺汗涔涔下。是時萬籟俱寂。女以一人伏暗室中。如芒刺背。若靜聆之。當聞心脈跳動之聲。與肺葉搏擊之聲。互相應答也。約十分鐘。忽門外格格作響。聞酋長低聲曰。速啟門。汝舅猝病。須汝往救。女知其詐。不應。酋長以身壓門。門遽闢。女大駭。呼曰。汝不如速去。不然。余見警察已在窗下。汝必無幸。言次。酋長已入。女向窗外一望。見人影仍在。遂大聲呼救。正掙扎間。忽聞窗外槍聲砰然。酋長似甚駭愕。然仍逼女弗釋。女力竭氣迫。漸漸不能抵禦。忽一人踰窗入。則特愷脫也。特愷脫曳酋長起。闢於黑暗之中。是時樓下亦大譁。蓋諸賊行至中途。為警察追回。在樓下格鬪也。已而特愷脫奮力擊酋長。酋長仆。身壓地板。地板裂。酋長隨板而墮。特愷脫用力過猛。僅得不倒。女卧榻上。不敢仰視。忽覺有煙煤刺鼻。特愷脫知係火起。急呼女起立。時女已戰慄無人狀。特愷脫以背負之。樓下譁聲亦寂。知諸賊皆已死。欲下樓行。而梯已燃。急以衣蒙女首。突火而出。及門。門已鍵。舉足力蹴之。門仆。擊額血流如注。遂暈。女隨之仆。

亦暈。及俱蘇。身已在醫院中矣。特愷脫傷甚。女幸未大創。尋愈。為特愷脫看護。備極辛勤。後聞人言鄧克之尸。發現於秘室中。身首俱炭。惟手中所握金塊。宛然尚在。首長折一臂一股。死於二層樓。其餘諸賊。則一堆焦骨而已。特愷脫癒後。與女結婚。伉儷甚篤焉。

(完)

說部之大寶藏

學界之寶糧

說庫

本編自漢代訖於明清搜羅富貴去取精嚴說正數十名人而後成書寒暑三易其詳其慎本編事實與文藝並重經史創解朝野遠聞詩文歌曲之源流工藝游戲之瑣屑莫不鉅錄學子手此平時可以廣見聞臨文可以資採摭本編甄錄大半秘本少本名人手校未刊本其已

刊者則采江浙藏書家之精本原刻本成書時並由原選入檢勘再四無時下任意校謬誤觸目之弊一書各有其宗旨及要領所在本編仿記氏四庫例卷首有提要數行揭示內容閱者一目了然臨文時檢點亦便

全書六十冊
定價洋八元

各省中華書局代售

上海文明書局發行

秋
蘋

瞻
廬

瞻廬曰。名士在泥塗。美人在風塵。輒為庸耳俗目所擯斥。故士之相遇者。類皆託為閨怨之詞。以自寫其侘傺。靈均之思公子。陳思之守空閨。其先例也。或謂士之美在才。才不外見。女之美在色。色不內匿。人昧昧於真才。人未有不察察於美色者。而抑知否否。負薪中之西子。獨范大夫驚為天人。世無少伯。則惟有終老苧蘿。與木卒草亡。同歸消滅而已。昔湯卿謀貯三副眼淚。除憂國外。一哭不遇時之美人。一哭不遇時之名士。紅粉青衫。天涯淪落。誠哉其可慟已。余於歲杪。偕同人圍爐小飲。客有談盧生秋蘋事者。娓娓殊可聽。余矍然曰。以盧生之眼相天下士。則天下無屈士矣。幸哉秋蘋。獲此知己。其遇合正與西子同。儻善哭之。卿謀聞之。有不破涕為歡。撫掌大噱者乎。因詮次其事。著之於篇。以為士之始屈終申者。摹一小影也。

秋蘋者。佚其姓。津門良家女也。幼失怙恃。鞠育於叔氏。叔本無賴子。利其色。以為是兒。直奇貨可居。稍長。驚之於本郡趙氏。趙頗憐愛之。教以吳歈。畧能上口。無何。趙遭訟累。家遂破。其媵婢子曰趙鸚哥者。徐娘半老矣。攜蘋竄冒為已女。飾容櫛髮。愛護逾恆。會北地頻年水疫。鸚哥中疾死。蘋瑩瑩無所依。散髮泣路隅。叔邂逅得之。大悅。

復挾往通州王姬家。就賣為姬侍。姬善作鴿媒。女子之經其婢販者。月以十計。歲以百計。蘋至。姬方引磁銚子。啜粉漿。匆促牽蘋腕。視其肌理。鏗然一聲。銚忽失手墮。片片碎裂。姬惜曰。箇婢子。非利市者。謝叔弗顧。叔笑曰。姥勿譚言。娟娟此男。市奚不利。事苟諧。我一而若二也。姬色動。乃留蘋。更其名曰吉利。被不祥也。姬時羅致羣豔。不下七八人。施以薰沐。飾以綺羅。冀獲有情人之一顧。蘋獨翹木簪。捉布襟。顰眉逐諸姬。後客至。相姬輒側眼睨。蘋弗問也。久之。一鉅公募燕趙多佳人。躬至姬家。物色姬。飾羣姬出。燕瘦環肥。醖醖溢體。鉅公令一一至前。作劉楨之平視。末至蘋。鉅公畧一睨。即搖首他顧。曰。咄咄。此蓬頭婢。亦充彼姝行耶。遂不復擇。傾兩斛珠。付姬。攜二姬去。蘋居姬家三年。不售。姬怒。詈曰。吾言此婢非利市者。今果驗矣。因撻蘋。無算驅之出門。蘋既被逐。日暮塗窮。且行且泣。自分為溝中瘠矣。驀見一驪車。迎面來。車中坐一少婦。似係素識。蘋正沈吟。而車中人遽停輪。詢問曰。若秋蘋妹子乎。蘋忽有悟。應曰。妹果蘋也。君非珍姊耶。珍曰。諾。因詢蘋狀。蘋揮淚訴之。先是鸚哥有女阿珍。嫁為縫人婦。縫人死。珍流為妓。自都下經此。既遇蘋。惻然憐之。遂與同載返津門。瓦屋數間。有妓十餘輩。廁其中。珍為部頭。居數日。珍令蘋隨妓迎客。蘋曰。阿姊憐我。使為下婢。供奔走則可。強妹作此。句當非所能也。珍笑且詈曰。賤妮子。揉穀薰香。多大福。廢視向者。斷髮哀涕。作泣路女。何如。蘋默然不洗不櫛。隨妓行立。羣妓搔首弄姿。塗朱

施黛客至無虛夕。蘋則羣加白眼。珠無顧者。珍亦愠之。謂此賤骨子。終當作爨婢死。立使操作供婢役。不復齒數。蘋乃挽椎髻。著衲襦衣。晨撥炕火。夕捧水。趨爨下。憂釜行汲。無倦容。亦無憂色。

西安盧叔平。魁奇士也。遊京師。停舟津門。與友王生登覽街市。王喜作狎邪遊。因強盧偕往。偶至珍所。羣妓圍列如屏障。任客品評。時溽暑。盧膚汗珠迸。珍呼蘋捧盞水。侍盧盥。盧凝視之。則清神在骨。妍氣藏膚。肌理如雪在雲。眉目妙豔。若籠輕紗。不覺忘盥。蘋捧盞立久。紅雲生頰。羞澀至無可容。王時就他妓。盧呼問曰。君徧閱諸美。誰是此中翹楚者。王指某某。盧笑曰。君皮相眼。彼亂頭麤服而捧盞者。真尤物也。三薰而三沐之。可以婢西子而捷王嬙矣。因畀珍金二百。買之歸。處以邃閣。被以輕縠。浴以苴菹之湯。飲以薔薇之露。蘋既得知己。亦深自洗濯。不復韜光匿采。三數月後。神光煥發。傾靡左右。脂凝香靨。臉暈微渦。飄飄乎如被濯於醴泉甘露。而蕩之清風。賁之鮮霞者。王生聞之。願求一瞻顏色。盧笑曰。臣所好者。臃痔且瘤。不足奉君盼也。王固請。乃呼蘋出。王遙睇之。舌橋不下。驚為絕色。遽曰。余真皮。皮。盧戲效其語曰。君請相。相一笑而罷。盧夫人頗妬。見蘋絕艷。遏之不令近。盧時無子。深尤之。夫人曰。此不祥人也。懼產龍蛇。以重君禍。不然。余亦無靳。已復時時鞭撻。蘋受之無怨色。事大婦益婉。左右怪之。蘋太息曰。吾不得盧君拔擢。津門爨下死耳。士申於